

Publication	: Berita Harian
Date	: 4 November 2017
Section	: Nasional
Page	: 59
Headline	: Hua Yang majukan projek Oval di Johor
PR Value	: 31,350.56

Hua Yang majukan projek Oval di Johor

Hua Yang Berhad (Hua Yang), pemaju perumahan mampu milik yang sudah lama bertapak di Johor Bahru memperkenalkan pembangunan terbaru di Johor membabitkan kawasan berstatus hak milik kekal seluas 1.59 hektar.

Ia terdiri daripada 64 unit rumah kluster dan dua unit banglo berangkai membabitkan nilai pembangunan kasar (GDV) RM41.72 juta.

Projek itu adalah sebahagian daripada Oval yang menjadi fasa pertama Elemence, iaitu projek pembangunan bercampur lapan fasa di Taman Denai Alam, Johor Bahru.

Secara keseluruhan, Elemence meliputi keluasan 29.2 hektar tanah hak milik kekal dengan anggaran GDV keseluruhan RM375 juta.

Pengurus Hua Yang Johor, Casey Wong, berkata syarikat sudah bertapak di Johor sejak 1993 dan negeri itu menjadi antara penyumbang pendapatan terbesar kumpulan, iaitu 35 peratus menjelang suku pertama 2018.

"Oleh itu, pasaran Johor amat penting kepada kami dan projek ini selari dengan objektif untuk mengembangkan operasi di selatan tanah air.

"Elemence terletak di lokasi yang sangat strategik di koridor timur Iskandar Malaysia dan dengan itu kami menjangkakan Oval akan mendapat sambutan yang menggalakkan dalam kalangan rakyat Johor memandangkan permintaan yang tinggi ke atas rumah mampu milik di kawasan ini," katanya.

Wong berkata, rumah kluster

Oval bersaiz 2,170 kaki persegi dijual dengan harga RM680,000, manakala banglo berangkai pula bersaiz 2,569 kaki persegi pada harga RM905,962 yang semuanya dijangka siap pada akhir 2019.

Katanya, projek pembangunan itu dijangka siap sepenuhnya dalam tempoh lima hingga enam tahun ini dengan turut membabitkan pembinaan rumah kedai, rumah berkembar dan rumah di bawah Skim Perumahan Mampu Milik Johor (RMMJ).

Beliau berkata, Oval boleh diakses melalui Jalan Kota Masai 1 dan Jalan Canggung serta berhampiran dengan Pelabuhan Pasir Gudang, Pelabuhan Tanjung Langsat dan bandar raya Johor Bahru.

Untuk maklumat lanjut boleh layari <http://elemence.com.my>.

